

**Банк мижозлари – юридик шахслар ва тадбиркорлик субъектларига банк  
хисобвараглари очиш ва уларга масофадан туриб (дистанцион) электрон банк  
хизматлари кўрсатиш ҳамда корпоратив банк карталарини фойдаланиш учун  
тақдим этиш тўғрисида электрон оммавий оферта  
ШАРТНОМАСИ**

Ушбу билан, «Ипотека-банк» АТИБ (бундан буён шартнома матнида “Банк” деб юритилади) юридик шахслар ва тадбиркорлик субъектларига (бундан буён шартнома матнида “Мижоз” деб юритилади) Банк ҳисобварагларини очиш ва уларга масофадан туриб (дистанцион) электрон банк хизматлари кўрсатиш ҳамда корпоратив банк карталарини фойдаланиш учун тақдим этиш тўғрисидаги оммавий электрон оферта шартномасини (бундан буён шартнома матнида “Шартнома” деб юритилади) тузишни Ўзбекистон Республикаси Фуқаролик Кодексининг 369-моддасига мувофиқ тақлиф қиласди.

Мижоз томонидан мазкур Шартномани акцептлаш банкка ҳисобварақ очиш тўғрисидаги аризани тақдим этиш орқали амалга оширилиб, ушбу орқали Мижоз мазкур шартномада кўрсатилган тартибда ва ҳажмда банк билан ушбу шартномани тузишга розилигини билдирган ҳисобланади.

Мижоз мазкур Шартнома матни билан Банкнинг корпоратив веб-сайтида ҳамда Банк оғисларида танишиб чиқиши мумкин.

## **I. ШАРТНОМАДА ФОЙДАЛАНИЛАДИГАН АТАМАЛАР**

### **1.1. Мазкур Шартномада қўйидаги атамалардан фойдаланилади:**

**Банк ҳисобвараги** — банк ҳисобвараги шартномасини тузиш орқали банк мижоз (ҳисобварақ эгаси) ҳисобварагига келиб тушган пул маблағларини қабул қилиш ва киритиб қўйиш, мижознинг ҳисобварагидаги тегишли маблағларни ўтказиш ва тўлаш ҳамда ҳисобварақ бўйича бошқа операцияларни амалга ошириш тўғрисидаги топшириқларни бажариш вазифасини ўз зиммасига олиши натижасида банк ва мижоз ўртасида вужудга келадиган муносабатларни амалга ошириш воситаси.

**Талаб қилиб олингунча депозит ҳисобвараги** — мижозларнинг биринчи талаби биланоқ бериладиган ёки ўтказиб бериладиган маблағларнинг ҳисоби юритиладиган ҳисобварақ.

**Масофавий банк хизматлари** — “Интернет-банк”, «Мобил-банк» ва «SMS-банк» тизимидан фойдаланиш хизмат турлари.

**“Интернет-банк” хизмати** — автоматлаштирилган электрон тизим бўлиб, мижозга интернет ахборот-телекоммуникация тармоғидан фойдаланган ҳолда унинг банкдаги ҳисобварагига масофадан туриб хизмат кўрсатиш имконини берувчи хизмат тури ҳисобланади.

**“Мобил-банк” хизмати** — автоматлаштирилган электрон тизим бўлиб, мижозга интернет ахборот-телекоммуникация тармоғи орқали “IOS”, “Android” ёки “JAVA” операцион тизимларида ишлайдиган мобил телефони ёки планшетидан фойдаланган ҳолда банкдаги ҳисобварагига масофадан туриб хизмат кўрсатиш имконини берувчи хизмат тури ҳисобланади.

**“SMS-банк” хизмати** — автоматлаштирилган электрон тизим бўлиб, мижозга уяли алоқа операторлари хизматидан фойдаланган ҳолда мобил телефони ёки планшетига ҳисобварагидаги амалиётлар ҳакида маълумотларни SMS кўринишида тақдим этиб турувчи хизмат тури ҳисобланади.

**Электрон ҳужжат** — электрон шаклда қайд этилган, яъни файл кўринишидаги ёки маълумотлар базасидаги бир ёки бир неча ёзувлар кўринишидаги байтларнинг йифиндиси бўлган, Тизим дастурий таъминоти ёрдамида тайёрланган, тўлов топшириқномаси ёки Мижознинг бошқа ахборотларини ўзида жам қилувчи, электрон рақамли имзо билан

тасдиқланган хужжат ҳисобланади.

**Электрон рақамли имзо (ЭРИ)** – электрон хужжатдаги мазкур электрон хужжат ахборотини электрон рақамли имзонинг ёпиқ калитидан фойдаланган ҳолда маҳсус ўзгартириш натижасида ҳосил қилинган ҳамда электрон рақамли имзонинг очиқ калити ёрдамида электрон хужжатдаги ахборотда хатолик йўқлигини аниқлаш ва электрон хужжатни аутентификация қилиш (муаллифликни ва яхлитликни тасдиқловчи) имкониятини берадиган имзо.

**Шубҳали операция** — тайёрлаш, содир этиш жараёнида бўлган ёки содир этиб бўлинган, мазкур Қоидаларни амалга ошириш жараёнида тижорат банкида уни жиноий фаолиятдан олинган даромадларни легаллаштириш ва (ёки) терроризмни молиялаштириш мақсадида амалга оширилганлиги тўғрисида шубҳа пайдо бўлган операция.

**Мижознинг ходимлари** – Мижоз билан меҳнат муносабатларида бўлган жисмоний шахслар.

**Карта ҳисобрақамлари** – Банк томонидан чиқариладиган пластик карталардан фойдаланган ҳолда амалга оширилиши мумкин бўлган амалиётлар.

**Корпоратив карта («Карта»)** – миллий валютадаги карта, товар ва хизматлар ҳамда Ўзбекистон Республикаси худудида хизмат сафари харажатларини тўлаш учун мўлжалланган персонифицирангани тўлов воситаси ҳисобланниб, таъминот сифатида корхона карта ҳисобварағи ҳисобланади. Карта Банк томонидан чиқарилади, Банк мулки ҳисобланади ҳамда вактинча фойдаланиш учун банк томонидан белгиланган муддатга берилади. Картадан фойдаланиш Ўзбекистон Республикаси қонунчилиги ҳамда ушбу шартнома билан тартибга солинади.

**Карта эгаси** – Мижоз ходими ҳисобланниб, Банк томонидан унинг номига ҳамда унинг фойдасига карта чиқарилади.

**Карта ҳисобварағи** – карта эгалари томонидан амалга оширилган амалиётларни ҳисобга олиш учун ташкилотнинг банкдаги ҳисобварағи.

**Карта бўйича хисбот** – мижоз томонидан амалга оширилган карта операцияларини акс эттирувчи банк томонидан тузиладиган хужжат.

**Харажат лимити** – карта бўйича амалиётларни амалга ошириш мумкин бўлган, ташкилот томонидан белгиланган карта бўйича сарф лимити.

## II. ШАРТНОМА ПРЕДМЕТИ

2.1. Мазкур шартнома банк томонидан мижознинг аризасига кўра амалдаги қонунчилик хужжатлари талабларига мувофиқ, банк ҳисобварақларини (бундан буён «ҳисобварақ» деб юритилади) очиш, унинг ҳисобварағига келиб тушаётган пул маблағларини қабул қилиш ва киритиб қўйиш, мижознинг ҳисобварағидан тегишли пул маблағларини ўtkазиш ва тўлаш ҳамда ҳисобварақ бўйича бошқа операцияларни амалга ошириш, касса хизматларини кўрсатиш, масофавий хизматлар дастурий мажмуалари орқали электрон банк хизматларини кўрсатиш, корпоратив (ёки тадбиркор) банк картаси орқали амалга оширилган хисоб-китоблар бўйича Банк томонидан кўрсатилган хизматлар билан боғлиқ муносабатларни тартибга солади.

2.2. Банк томонидан Мижознинг банкда очилган ҳисобварақлари бўйича кўрсатиладиган масофавий банк хизматлари қуидагиларни ўз ичига олади:

- Мижозга интернет тармоғи орқали “Интернет-банк” тизимининг функционал имкониятларидан фойдаланган ҳолда электрон тўлов ҳужжатларини узатиш ва қабул қилиш, сўровларга мувофиқ маълумотлар олиш амалиётларини бажариш бўйича “Интернет-банк” хизматини кўрсатиш;

- Мижознинг “Интернет-банк” тизими орқали келиб тушган электрон тўлов ҳужжатларига Марказий банкнинг электрон тўлов ҳужжатларига ишлов бериш бўйича талаблари ва низомларига мувофиқ ишлов бериш;

- Мижознинг ходимларига Smart Vista тўлов тизими карта хисобварагига пул маблағини ўтказиш учун Мижоз томонидан тақдим этилган тўлов қайдномаларининг электрон алмашинуви;

- Мижознинг мобил аппаратлари ва/ёки планшетларида интернет ахборот-телекоммуникация тармоғидан фойдаланган ҳолда “IOS”, “Android” ёки “JAVA” операцион тизимларида ишлайдиган “Мобил-банк” хизмат турини юклаш орқали унинг банкдаги хисобварагига масофадан туриб **“Мобил-банк” хизматини кўрсатиш**;

- Мижознинг уяли алоқа операторлари хизматидан фойдаланган ҳолда унинг мобил телефоны ва/ёки планшетига хисобварагидаги амалиётлар ҳакидаги маълумотларни “SMS” хабарлар тарзida тақдим этиб туриш йўли билан унинг банкдаги хисобварагига масофадан туриб **“SMS-банк” хизмати кўрсатиш**. Бунда Мижозга унинг банкдаги хисобвараклари бўйича ўтказиладиган ҳар бир банк амалиёти унга SMS хабар орқали автоматик тарзда маълум қилиниб борилади.

2.3. Мижоз юқорида келтириб ўтилган “Интернет-банк”, “Мобил-банк” ва “SMS-банк” хизматларини ихтиёрий равишда танлайди.

2.4. Мижоз [www.ipotekabank.uz](http://www.ipotekabank.uz) сайтидан “Интернет-банк” тизимиға кириши ва ушбу хизмат тури, шунингдек, “Мобил-банк” ва “SMS-банк” хизмат турлари ҳакида барча зарур қўшимча маълумотларни олиши мумкин.

### **III. ШАРТНОМАНИ ИМЗОЛАШ ТАРТИБИ ВА ЖОЙИ**

3.1. Мижоз томонидан оммавий оферта шартномасини акцептлаши ва мижозга тегишли банк хисобвараги очилган пайтдан бошлаб Банк ва Мижоз ўртасидаги шартнома тузилган ҳисобланади.

3.2. Мижоз томонидан мазкур Шартномани акцептлаш банкка хисобварак очиш тўғрисидаги аризани тақдим этиш орқали амалга оширилади.

3.3. Шартнома Мижозга банк хисобвараги очилган банк жойлашган ерда тузилган ҳисобланади.

3.4. Мазкур Шартномада кўрсатилган амалларни бажариш:

- ушбу Шартномани акцептлаганлиги ва Мижознинг мазкур Шартномада баён этилган шартларда, тартибда ва ҳажмда шартномани имзолашга розилигини тасдиқлаш сифатида эътироф этилади;

- мижоз Шартноманинг барча шартларини ҳеч қандай истисносиз ёки чекловларсиз уларнинг шартларига қўшилиш орқали қабул қилганлигини англатади;

- мазкур Шартноманинг барча шартлари билан Мижознинг танишиб чиққанлигини сўзсиз тасдиқлайди.

### **IV. ТОМОНЛАРНИНГ МАЖБУРИЯТЛАРИ**

#### **4.1. Банк мажбуриятлари:**

4.1.1. Мижознинг аризаси ва топшириғига мувофиқ миллий валюта ва/ёки хорижий валютада хисобварак очиш, тушумлар мақсади бўйича бошқа керакли (ойлик иш хақи учун, терминал учун, корпоратив карта учун, пенсия ва бошқа маҳсус) хисобвараклар очиш шунингдек қонунчиликда кўзда тутилган барча ҳисоб-китоб–касса хизматларини кўрсатиш ва ҳисоб-китоб ва касса операцияларини Ўзбекистон Республикаси худудида нақд пулсиз ҳисоб-китобларни амалга оширишнинг амалдаги қоидаларига қатъий риоя қилган ҳолда амалга ошириш, жумладан:

а) Мижоз хисобварагига оид тўлов ҳужжати Банкка соат 16.00 гача келиб тушган ҳолда, барча реквизитлар тўғри расмийлаштирилган бўлса шу куннинг ўзида, соат 16.00 дан кейин тушган ҳолда кейинги банк кунида хисобга киритиш;

б) Мижознинг пул маблағларини унга тегишли бўлган бир хисобварагидан бошқасига ўтказиш ҳамда бошқа шахсларнинг хисобварагига ўтказиш тўғрисидаги топшириғини бажариш, шунингдек хисобваракда маблағ мавжуд бўлганда тегишли тўлов

хужжати Банкка келиб тушган кундан кейинги кундан кечиктирмай ижро этиш;

в) Мижознинг тақдим этган тўлов талабномаларига кўра, бошқа юридик шахс ва якка тартибдаги тадбиркорлардан унга тегишли бўлган пул маблағларини ундириб олишга доир топшириғини қонунчилик доирасида бажариш;

г) амалдаги қонунчиликка мувофиқ Мижоздан нақд пул маблағини қабул қилиш ва бериш ёки алоҳида шартнома асосида пластик картага кирим қилиш;

4.1.2. Мижоз билан тузилган алоҳида шартномага асосан ҳисоб-китоб-касса хизмати кўрсатишга бевосита тааллуқли бўлмаган бошқа хизматларни (кредитлаш, факторинг, лизинг, қимматбаҳо қофозларни жойлаштириш ва сақлаш ҳамда бошқа хизматлар) кўрсатиш;

4.1.3. Мижозга банк иш кунларида белгиланган иш тартиби режимига мувофиқ хизмат кўрсатиш;

4.1.4. Банкка ҳисоб-китоб ҳужжатлари (тўлов талабномалари) келиб тушган куни Мижоз ҳисобварағидан маблағларни фақат унинг топшириғи ёки розилиги асосида (акцептсиз тўланадиган тўлов талабномалари бундан мустасно) ҳисобдан чиқариш. Банк Мижознинг ҳисобварағида маблағ мавжуд бўлмаган ёки етарли маблағ бўлмаган ҳолда, бюджет ва давлат мақсадли жамғармаларига солиқлар ва бошқа мажбурий тўловлар, суд ижро ҳужжатлари, ходимларга иш ҳақи ва унга тенглаштирилган тўловларни тўлаш учун асос бўлувчи тўлов ҳужжатлари, шунингдек акцептсиз тўланадиган ҳамда Мижоз томонидан акцептланган тўлов талабномаларини 2-сонли картотекага жойлаштиради.

Интернет-банк тизимиға уланган мижозларнинг ҳисобварақларидан пул маблағларини ундириш учун банкка келиб тушган қофоз шаклдаги тўлов талабномаларни автоматлаштирилган банк тизимиға 1-сонли картотекага киритган ҳолда мижознинг интернет-банк тизимиға танишиши учун юборади.

Мижоз томонидан интернет-банк тизими орқали акцептланган ёки қисман рад этилган электрон тўлов талабномалар банклараро тўловлар вақти тугамаган бўлса шу куннинг ўзида, тўловлар вақти тугаган бўлса кейинги иш кунидан кечиктирмаган ҳолда тўловни амалга оширади ёки 2-сонли картотекага жойлаштиради.

Мижоз томонидан белгиланган муддатда ўзининг розилиги ёки тўловдан тўлалигича ёхуд қисман бош тортиши тўғрисида маълум қилинмаган тақдирда, тўлов талабномаси банк томонидан умумий тартибда акцептланади ҳамда тўлов амалга оширилади.

4.1.5. Тўлов асосида Мижозни ҳисоб-китоб, касса ҳужжатлари ва бошқа бланкалари билан таъминлаш;

4.1.6. Мижоз талабига кўра, унинг ўзига ёки ишончли вакилига (ишончнома асосида) банк тарифларида белгиланган ҳақ эвазига мижознинг кредит айланмаси бўйича ҳисобварағидан кўчирмани тегишли ҳужжатларни илова қилган ҳолда бериш;

4.1.7. Мижознинг ҳисобварағи бўйича бажарилаётган амалиётларни сир сақлаш, мижоз розилигисиз банк ҳисобварағига оид амалиётлар бўйича маълумотларни учинчи шахсларга фақат амалдаги қонунчиликда кўзда тутилган ҳоллардагина бериш;

4.1.8. Мижозга ҳисоб-китоб, ҳужжат айланмаси тартиби ва бевосита ҳисоб-китоб-касса хизмати кўрсатишга тааллуқли бўлган бошқа масалалар бўйича маслаҳатлар бериш;

4.1.9. Мижоз ҳисобварағида пул маблағларининг сақланишини таъминлаш;

4.1.10. Ҳисобварақда маблағ мавжуд бўлгандан, иш ҳақи, пенсия ва нафақа тўлови учун пул маблағлари берилишини таъминлаш ёки алоҳида шартнома асосида жисмоний шахсларнинг пластик карталарига ўтказиш;

4.1.11. Белгиланган жойга келиб тушмаган пул маблағларини Мижоз илтимосига кўра қидириш, аниқлаш ва қайтаришда тариф асосида кўмаклашиш;

4.1.12. Мижозни “Интернет-банк” тизимида рўйхатдан ўтказиш ва уни ушбу хизмат турига улаш;

4.1.13. Мижозга унинг электрон рақамли имзоси билан бирга электрон калит(лар)ни (йўқолган тақдирда) вақтинчалик фойдаланиш учун бериш;

4.1.14. Мижозга масофадан туриб ҳисоб-китоб хизматларини кўрсатиш ва унинг топшириғига мувофиқ Ўзбекистон Республикасининг амалдаги қонунчилигига

белгиланган банк тизимиға оид барча ҳисоб-қитоб операцияларини амалга ошириш;

4.1.15. Банкда ўрнатилган тўлиқ операцион иш куни мобайнида Мижозга хизмат кўрсатиш, дам олиш ва байрам кунлари бундан мустасно;

Мижознинг топшириғига кўра электрон тўловлар тегишли электрон ҳужжат, агар у банк операцион куни мобайнида келиб тушган бўлса, шу қуннинг ўзида амалга оширилиши керак. Тўлов банк операцион куни тугагандан сўнг келиб тушганда, банк электрон тўловни кейинги банк кунидан кечиктирмасдан амалга ошириши шарт.

4.1.16. Мижозга Банк иш режимига мувофиқ ўз вақтида хизмат кўрсатиш (24/7 режимидағи онлайн тўловлар бундан мустсано):

- Банкларро электрон ҳужжатлар соат 9:00 дан 16:00 га қадар;
- Банк ичидағи ҳужжатлар соат 9:00 дан 17:00 га қадар;
- Мижоз сўровлари бўйича ахборотлар соат 9:00 дан 17:30 га қадар.

4.1.17. Келиб тушган электрон қайдномаларга, уларда дастурий таъминот ишида рад этишлар натижасида келиб чиқадиган хатоликлар бўлмагандан, бир иш куни мобайнида ишлов бериш.

4.1.18. Мижоз аризасига асосан З банк иш кунидан кечиктирмасдан корпоратив банк картасини Мижозга фойдаланиш учун бериш;

4.1.19. Мижоз ёзма мурожаатига асосан карта ҳисобварағи тўғрисидаги хисботни банк тарифига мувофиқ ҳақ эвазига тақдим этиш;

4.1.20. Амалдаги қонун ҳужжатларига мувофиқ банклар зиммасига юклатилган бошқа мажбуриятларни бажариш.

## 4.2. Мижоз мажбуриятлари:

4.2.1. Ҳисобварақ очиш ва операцияларни амалга ошириш учун зарур бўлган ҳужжатларни Банкка тақдим этиш;

4.2.2. Миллий валюта ва/ёки хорижий валютада очиладиган ҳисобварақлар учун мақсадли тушумлар бўйича бошқа керакли (ойлик иш хақи учун, терминал учун, корпоратив карта учун, пенсия ва бошқа маҳсус) ҳисобварақлар очилишига Ўзбекистон Республикаси Марказий Банкининг “Банкларда очиладиган банк ҳисобварақлари” тўғрисидаги 1948-сонли йўриқномасининг 18-бандига асосан ушбу шартнома орқали ўз розилигини билдиради;

4.2.3. Мазкур шартнома шартларига риоя қилиш, банкда белгилаб қўйилган иш тартиби, тўлов ҳужжатларини расмийлаштириш ва тақдим этиш тартибига риоя қилиш. Ўзбекистон Республикаси Марказий банкининг амалдаги норматив ҳужжатлари талабларини бажариш;

4.2.4. Банкнинг расмий ахборотлари билан, шу жумладан, банк хизматлари кўрсатиш тарифларига киритилаётган ўзгартиришлар тўғрисидаги ахборотлар билан мустақил равишда танишиб бориш (банкнинг расмий веб-сайти [www.ipotekabank.uz](http://www.ipotekabank.uz), банкнинг ахборот стендларида ва ҳоказо);

4.2.5. Ҳисобварақда маблағ мавжуд бўлганда иш хақи, пенсия ва нафақалар олишнинг календарь жадвалига мувофиқ нақд пул олиш учун пул чекини ёки бундай тўловларни алоҳида шартнома асосида ходимларнинг пластик карталарига ўтказиб бериш бўйича (ДСИ ва бошқа фондларга ойлик иш хаққи ва унга тенгглаштирилган тўловлар бўйича қарздорлиги йўқлиги кўрсатилган холда) топшириқнома ва реестр (ходимлар рўйхати)ни тақдим этиш;

4.2.6. Нақд пул тушумларини амалдаги тартиб-қоидаларга мувофиқ банкка топшириш;

4.2.7. Асосий талаб қилиб олингунча депозит ҳисобварағида тўловларни амалга оширишда тўловларни ўтказишдаги банк комиссияси учун етарли пул маблағларига эга булиш;

4.2.8. Ўз ҳисобварағи бўйича кўчирмани ёки ҳисобварағи ҳақидаги маълумотни олган кундан эътиборан икки иш куни давомида ўз ҳисобварағига бегона маблағ келиб тушганлиги ҳақида хабар бериш;

4.2.9. Мажбурий тўловлар учун ўзининг асосий талаб қилиб олингунча депозит

ҳисобварағида пул маблағларига эга бўлиш. Асосий депозит ҳисобварағида муддати ўтган пул мажбуриятлари (2-сонли картотека) мавжуд бўлган ҳолларда ўзининг барча иккиламчи талаб қилиб олингунча депозит ҳисобваракларидаги барча пул маблағларини асосий депозит ҳисобварағига ўтказиш;

4.2.10. Банк хизматлари учун хизмат ҳақи тўловини мазкур шартноманинг 6-бўлимида белгиланган тартибда амалга ошириш;

4.2.11. Хорижий давлат субъектлари билан тузилган контрактлар бўйича амалга оширилган экспорт-импорт операциялари юзасидан барча хужжатларни, шунингдек, зарур ҳолларда қонунчилик билан назорати Банк зиммасига юклатилган бошқа амалиётлар юзасидан маълумотлар ва барча хужжатларни Банкка тақдим этиш;

4.2.12. Ўз номи, манзили, телефон рақамлари, электрон манзили (ҳоказо алоқа воситалари), юқори ташкилоти ва мижознинг ҳолатини белгиловчи бошқа тафсилотлар ўзгарганлиги тўғрисида беш иш кунида Банкка ёзма тарзда хабар бериш;

4.2.13. Ўз кассасида касса операцияларини амалга оширишда қонунчиликка қатъий риоя этиш, банк кассасидан олинган нақд пул маблағларини фақат мақсадга мувофиқ ишлатилишини таъминлаш, депонентланган иш ҳақи, пенсия ва нафақаларни ушбу мақсадлар учун банқдан нақд пул олинган куннинг тўртинчи кунидан кечиктирмаган ҳолда банк кассасига топшириш;

4.2.14. Мижоз амалга ошираётган операциянинг бошқа иштирокчиларини идентификациялаш имконини берувчи хужжатларни тақдим этиш;

4.2.15. Ҳисобваракдан эркин фойдаланишига учинчи шахслар томонидан чеклов ўрнатилиши билан боғлиқ низоларни банкнинг иштирокисиз ҳал қилиш;

4.2.16. Мижоз интернет-банк тизими орқали келиб тушган электрон тўлов талабномалари билан тизимга уланган вақтда танишиши ва электрон талабномаларни уч иш куни давомида акцептлаш, акцептлашдан тўла ёки қисман бош тортиши ва бу ҳақида интернет-банк тизими орқали банкка хабар бериш;

4.2.17. Мижоз номидан масофавий хизматлардан фойдаланувчи ва унинг номига электрон калит учун жавобгар доимий масъул шахсни тайинлаш;

4.2.18. “Интернет-банк” тизимида рўйхатдан ўтказиш ва электрон калит олиш учун Мижознинг масъул шахси тўғрисидаги маълумотларни Банк томонидан кўрсатилган иловаларга мувофиқ тақдим этиш;

4.2.19. Банкда ўрнатилган иш режимида ва “Интернет-банк” тизими иш тартибига риоя этиш;

4.2.20. Банк талабига кўра “Интернет-банкинг” тизими орқали ўтказилган тўловларга тааллуқли ўз молиявий-хўжалик фаолияти билан боғлиқ зарур маълумотларни тақдим этиш;

4.2.21. Ўзбекистон Республикаси амалдаги қонунчилиги ва ушбу шартноманинг барча талабларига риоя этиш;

4.2.22. “Интернет-банк” тизимида фойдаланиш учун минимал техник талабларнинг бажарилишини таъминлаш, яъни:

- USB портига эга ва Windows XP SP2 операцион тизими ўрнатилган шахсий компьютерга эга бўлиш, жумладан:

- интернетга чиқиши каналига эга бўлиш;
- хужжатларни чоп этиш ускунаси бўлиши
- Internet Explorer v6.0 дастурий таъминотини шахсий компьютерда мавжуд бўлиши.

4.2.23. Банк томонидан берилган электрон калит(лар)дан фақатгина “Интернет-банк” тизимида ишлаш учун фойдаланиш;

4.2.24. Электрон хужжатларнинг барча реквизитларини тўғри ва аниқ кўрсатиш;

4.2.25. Банк томонидан берилган электрон калит(лар) ёрдамида Мижознинг рақамли электрон имзоси билан имзоланган барча электрон тўлов хужжатлари учун тўлиқ жавобгарликка эга бўлиш;

4.2.26. Электрон калит(лар) йўқотилган ёки ишдан чиққанда бу ҳақда шу куннинг ўзида Банк масъул ходими ва “Интернет-банк” тизими администраторини ёзма равища

хабардор қилиш. Олинган электрон калит(лар) йўқотилган ёки ишдан чиққанда (жисмонан ёки дастурий жиҳатдан), шунингдек, Мижоз томонидан қўшимча калит талаб қилинганда, янги калит(лар) Мижоз банк тарифида белгиланган миқдордаги тўловни амалга оширгандан сўнг тақдим қилинади;

4.2.27. Олинган электрон калит (электрон рақамли имзо билан), “Интернет-банк” ва “Мобил-банк” тизимларига кириш паролларини, шунингдек, “Мобил-банк” тизими ўрнатилган мобил қурилмани ва ушбу қурулмага юборилган SMS-хабарлардаги кодларни учинчи шахсларга бермаслик;

4.2.28. Мижознинг масъул шахси билан меҳнат шартномаси бекор қилинганда ёки унинг хизмат вазифалари ўзгарганда ёхуд бошқа бирор-бир ўзгаришлар содир бўлганда, бу ҳақда ўзгариш содир бўлган кундан кейинги банк иш кунидан кеч бўлмаган ҳолда ёзма равишда хабардор қилиш. Мижоз томонидан масъул шахс ўзгарган ва бу ўзгариш ҳақида Мижоз Банкни мазқур шартноманинг ушбу бандида назарда тутилган муддатда хабардор қилмаган ҳолатда, Банк электрон калитни бошқа шахсга (ўзгарган масъул шахсга) қайта расмийлаштирилмаганлиги учун жавобгар бўлмайди;

4.2.29. Мижоз “Интернет-банк” ва “Мобил-банк” тизимларидан 6 ой мобайнида сабабсиз фойдаланмаганда, унга бириткирилган электрон рақамли имзо билан бирга электрон калит(лар)ни бутун ва иш ҳолатида Банкка 3 иш кунида қайтариш;

4.2.30. Ушбу шартнома бекор қилинган пайтдан бошлаб, “Интернет-банк” тизимидан ўчириш учун электрон рақамли имзо билан бирга электрон калит(лар)ни бутун ва иш ҳолатида Банкка қайтариш;

4.2.31. Амалдаги қонун ҳужжатларига мувофиқ бошқа мажбуриятларни бажариш.

## V. ТОМОНЛАРНИНГ ҲУҚУҚЛАРИ

### 5.1. Банкнинг ҳуқуқлари:

5.1.1. Мустақил равишида банк хизмати кўрсатиш тарифларига ўзgartiriшлар ва қўшимчалар киритиш;

5.1.2. Мижознинг амалдаги қонунчилик ва Ўзбекистон Республикаси Марказий банки норматив ҳужжатлари талабларига, шунингдек ҳисоб-китоб ҳужжатларини расмийлаштириш ва Банкка тақдим этиш муддатларига риоя этмаганлигини тасдиқловчи фактлар мавжуд бўлганда, ҳисоб-китоб-касса операцияларини амалга оширишни рад этиш;

5.1.3. Маблағларнинг сақланганлиги ва эгасига ҳисобварагдаги маблағ миқдорида тўсиқларсиз тасарруф этиш ҳуқуқининг берилишини кафолатлаган ҳолда Мижознинг банк ҳисобварагидаги бўш маблағларидан молия ресурслари манбаи сифатида фойдаланиш;

5.1.4. Мижознинг пул маблағларини унинг розилигисиз ҳисобварагидан чиқаришга, яъни бюджет даромадига, бюджетдан ташқари фондларга ва қонунчиликда кўзда тутилган бошқа ҳолатларда, фақат Ўзбекистон Республикаси қонунчилигига назарда тутилган ҳоллардагина кўчириш;

5.1.5. Мижоз ҳисобварагига тўловчи томонидан хато ўтказилган пул маблағни, мижозни хабардор қилган ҳолда тузатиш бухгалтерия ўтказмасини амалга ошириш йўли билан орқага қайтариш;

5.1.6. Ҳисоб-китоб-касса ҳужжатларининг ҳақиқийлигига аниқ шубҳа туғилган ҳолларда, бу ҳақида Мижознинг биринчи ёки иккинчи имзони қўйиш ҳуқуқига эга бўлган мансабдор шахсларига хабар килиб, операцияни бажаришни рад этиш;

5.1.7. Мижознинг асосий депозит ҳисобварагида 2-сонли картотека мавжуд бўлган тақдирда унинг пул мажбуриятлари тўлиқ бажарилгунга қадар мижознинг иккиласми ҳисобваракларидан маблағларни Ўзбекистон Республикаси Марказий Банкининг 2342-сонли йўриқномадаги тартибга асосан асосий депозит ҳисобварагига ўтказиш.

5.1.8. Зарур ҳолларда Мижоз фаолияти ва раҳбарлари/таясисчилари тўғрисидаги маълумотларни “Банк сири тўғрисида”ги ва “Жиноий фаолиятдан олинган даромадларни легаллаштиришга ва тероризмни молиялаштиришга қарши курашиш тўғрисида”ти

қонунларга мувофиқ белгиланган тартибда тегишли органларга тақдим этиш;

5.1.9. Мижоз ҳисобварагидаги пул маблағлари суриштирувчи, терговчи қарори бўйича ёки суд ажримига кўра хатланганда, шунингдек, қонун ҳужжатларида кўзда тутилган бошқа ҳолатларда ҳисобварак бўйича операцияларни тўхтатиб қўйиш;

5.1.10. Мижоз томонидан уни идентификациялаш учун зарур бўлган ҳужжатлар тақдим этилмаганида маблағларни ўтказиш бўйича топшириқларни ва бошқа операцияларни бажаришни рад этиш. Мижоз ҳисобварагига келиб тушган пул маблағларини ҳисобга киритиш операциялари бундан мустасон;

5.1.11. Мижоздан олинган ахборотлар (хужжатлар) ишончлилигига шубҳа мавжуд бўлганда, мижозлар ҳақидаги ахборотларнинг (хужжатларнинг) ишончлилигини (ҳақиқийлигини) аниқлаштириш (верификациялаш) бўйича тегишли ташкилотларга мурожаат қилиш;

5.1.12. Мижоз томонидан тақдим қилинган ҳужжатлар нусхаларининг тўғрилигига гумон ёки бошқа зарурат пайдо бўлган тақдирда, ушбу ҳужжатларнинг асл нусхаларини ва бошқа маълумотларни тақдим қилинишини талаб қилиш;

5.1.13. Гумонли ва (ёки) шубҳали операциялар аломатлари мавжуд операциялар аниқланганда, ўтказилаётган операция ҳақидаги қўшимча маълумотлар юзасидан Мижозга мурожаат қилиш;

5.1.14. Қуйидаги ҳолларда Мижозга операцияларни амалга оширишни рад этиш:

- юридик шахснинг бошқарув органи ёки юридик шахс номидан ишончномасиз фаолият кўрсатиш ҳуқуқига эга бўлган шахс ўзининг жойлашган манзили (почта манзили) бўйича мавжуд бўлмаганида;

- атайн нотўғри бўлган ҳужжатлар тақдим этилганда ёки қонун ҳужжатларига мувофиқ сўраладиган ҳужжатлар тақдим этилмагандан;

- қонун ҳужжатларида назарда тутилган бошқа ҳолларда.

5.1.15. Ўзбекистон Республикаси амалдаги қонунчилиги бузган ҳолда расмийлаштирилган Мижознинг электрон ҳужжатларини бажариш учун қабул қиласлик;

5.1.16. Мижознинг бажариш учун қабул қилинган электрон ҳужжатларининг қоғоздаги нусхаларини расмийлаштириш ва уларни Ўзбекистон Республикасининг ҳисобкитоб амалиётларини ўтказиш тартиби тўғрисидаги амалдаги қонунчилиги талабларига мувофиқ тасдиқлаш;

5.1.17. Банк ва Мижоз ўртасида техник низолар юзага келганда, Мижознинг “Интернет-банк” тизимиға уланган жиҳозини кўриқдан ўтказиш;

5.1.18. Мижоз томонидан ушбу шартноманинг бошқа шартлари бузилганда, Мижозга масофавий хизматлар кўрсатишни тўхтатиши;

5.1.19. Мижоз томонидан шубҳали операция ўтказилганлиги аниқланганда, Мижоз томонидан ўтказилган операциянинг қонунийлиги тўғрисида ёзма тушунтириш хати олингунинг қадар Мижозга масофавий хизматлар кўрсатишни тўхтатиб туриш;

5.1.20. Масофавий хизматлардан фойдаланган ҳолда шубҳали операциялар ўтказилганлиги гумон қилинганда Мижознинг жойлашган манзили (почта манзили) бўйича Мижозни ўрганиш, шу жумладан, бевосита шартномада кўрсатилган шахс томонидан операциянинг ўтказилиши жараёнини ўрганиш;

5.1.21. Жиноий фаолиятдан олинган даромадларни легаллаштириш ва (ёки) терроризмни молиялаштириш мақсадида Мижознинг масофавий банк хизматларидан фойдаланилганлиги ҳақида асосли шубҳа бўлганда, Мижозга масофавий банк хизматлари кўрсатишни тўхтатиши ва ушбу шартномани бир томонлама бекор қилиш.

5.1.22. Банк амалдаги қонун ҳужжатларига мувофиқ бошқа ҳуқуқларга ҳам эга бўлиши мумкин.

## **5.2. Мижознинг ҳуқуқлари:**

5.2.1. Мижоз мазкур оферта шартномаси билан танишиб чиқиш;

5.2.2. Агар амалдаги қонунчиликда бошқа ҳоллар кўзда тутилмаган бўлса, ўз ҳисобварагида мавжуд бўлган пул маблағларини мустақил тасарруф этиш. Мижознинг топшириғига биноан банк ҳисобвараги бўйича бажарилган барча операцияларнинг

қонунийлигига мижознинг ўзи жавобгар ҳисобланади;

5.2.3. Ҳисоб-китобкасса хизмати кўрсатиш бўйича Банкка топшириқ бериш, инкассо бўйича сўровга жавоб олиш, топшириқларнинг ўз вақтида бажарилишини талаб қилиш;

5.2.4. Иш ҳаки, пенсия ва нафақалар олишнинг календарь жадвалига мувофиқ иш ҳаки тўлови ва амалдаги қонунчиликда назарда тутилган бошқа тўловлар учун ҳисобваракдаги маблағлар доирасида нақд пул маблағлари олиш ёки алоҳида шартнома асосида пластик картага ўтказиш;

5.2.5. Банк айби билан кўрилган заарларнинг қопланишини белгиланган тартибда талаб қилиш;

5.2.6. Зарур ҳолларда Банкдан нақд пулсиз ҳисоб-китобларга доир қоидалар ва ушбу қоидаларга киритиладиган ўзгартиришлар тўғрисидаги ахборотларни олиш;

5.2.7. Банк хизматлари ва тарифлари ҳакида маълумотлар олиш.

## **VI. БАНК ХИЗМАТ ҲАҚИ ВА УНИ ТЎЛАШ ТАРТИБИ**

6.1. Ушбу шартномани имзолаётib, Мижоз банк хизматлари тўғрисидаги маълумотлар билан, шу жумладан банк тарифлари билан тўлиқ танишиб чиққанлигини тасдиқлайди.

6.2. Мижоз Банк томонидан кўрсатилган хизматлар учун Банк тарифларига мувофиқ ҳақ тўлайди.

6.3. Банкнинг хизматлари учун ҳақ банк операцияси бажарилаётган вақт билан бир пайтда мижознинг ҳисобварагида турган пул маблағларидан банк операцияси бажарилаётган кунда амалда бўлган Банк тарифларида белгиланган микдорларда акцептсиз тарзда ундириб олинади.

6.4. Банк хизмат кўрсатиш шартларининг, шу жумладан банк тарифлари ўзгариши ҳақида, бундай ўзгаришлар кучга киришидан камида ўн кун олдин банкнинг расмий веб-сайтида ([www.ipotekabank.uz](http://www.ipotekabank.uz)) ва банкнинг ахборот стендларида эълон қиласди.

6.5. Мижоз ушбу шартномада келтирилган мажбуриятларини бажармаслик натижасида ёки Банкка боғлиқ бўлмаган бошқа сабабларга кўра тарифларга киритилган ўзгартиришлардан хабарсиз бўлиши Банкнинг ўзгартирилган тарифлар бўйича Мижоздан ҳақ олишига тўсқинлик қилмайди.

## **VII. КОРПОРАТИВ КАРТАЛАРНИ ЧИҚАРИШ ВА УНДАН ФОЙДАЛАНИШ ШАРТЛАРИ**

7.1. Корпоратив карталарни чиқариш учун Мижоз Банкка қуйидаги хужжатларни тақдим этади:

- ташкилот раҳбари, бош бухгалтери томонидан имзоланиб, тасдиқланган ходимлар рўйхати;

- рўйхатда келтирилган хар бир ходимнинг паспорт нусхаси.

7.2. Банк томонидан Карта Мижознинг ваколатли шахси ёки Мижоз томонидан берилган ишончнома асосида бевосита Карта эгасига топширилади.

7.3. Карта Мижознинг масъул шахсига (Карта эгасига) топширилган вақтдан бошлаб Карталар ёрдамида амалга оширилган барча амалиётлар учун Мижоз жавобгар ҳисобланади.

7.4. Карта ҳисобварагига маблағларни бирламчи кирим қилиш Банк тарифларида назарда тутилган картани бериш шартларига асосан амалга оширилади.

7.5. Карта ҳисобварагига жойлаштирилган пул маблағлари фақат Ўзбекистон Республикаси худудида қуйидаги нақд пулсиз ҳисоб-китоблар учун ишлатилиши мумкин:

1) Мижоз ходимларини Ўзбекистон Республикаси худуди бўйича сафарга юбориш билан боғлиқ харажатларни нақд пулсиз тўлаш учун,

2) Мижознинг асосий фаолияти билан боғлиқ бўлган нақд пулсиз ҳисоб-китобларни амалга ошириш;

3) Мижознинг хўжалик фаолияти билан боғлиқ бўлган нақд пулсиз ҳисоб-китобларни амалга ошириш;

4) Ўзбекистон Республикаси худудида вакиллик харажатларини нақд пулсиз тўлаш учун.

Юқорида келтирилган амалиётлар Ўзбекистон Республикасининг амалдаги конунчилигига, Марказий Банк норматив хужжатларига, ушбу шартнома шартларига хамда кўрсатилган турдаги ҳисобвараглар бўйича амалиётларни амалга ошириш учун банк томонидан белгиланган қоидаларга мувофиқ амалга оширилиши лозим.

7.6. Карта ёрдамида иш ҳақи ва ижтимоий тўловларни амалга ошириш мумкин эмас.

7.7. Карта йўқотилган тақдирда Мижоз дархол белгиланган тартибда Картанинг амал қилишини тўхтатиб туриш тўғрисида Банкни хабардор қиласди.

7.8. Картанинг амал қилиш муддати тугаганида ёки Банк томонидан Картани қайтариш ёзма равишда талаб қилинганида, Мижоз етти календар куни ичida Картани Банкка қайтаришни таъминлаши лозим.

7.9. Карта эгаси бўлган ходим билан меҳнат шартномаси бекор қилинаётганда, Мижоз ходим билан меҳнат шартномаси бекор қилинаётган санадан кечиктирмасдан Карта Банкка қайтарилишини таъминлаши лозим.

7.10. Илгари йўқолган деб маълумот берилган Карта топилган тақдирда, дархол бу ҳақда Банк хабардор қилиниши ва Картани уч иш куни ичida Банкка қайтарилиши керак.

7.11. Мижоз Карта эгасини картага тушадиган маблағ миқдори тўғрисида хабардор қиласди.

7.12. Мижоз Карта эгаси томонидан Карта ёрдамида амалга оширилган операциялар тўғрисидаги ҳисоботларни Мижознинг бухгалтерига сақлаш учун топширишини назорат қилиб боради.

7.13. Техник носозликлар (алоқа узилиши, карта блокланиб қолиши, картанинг амал қилиш муддати тугаши ва бошқалар) туфайли Картага ўтказилаётган пул маблағлари Картага икки маротаба кирим қилингандан тақдирда, ортиқча кирим қилингандан пул маблағлари ҳисобдан чиқариш учун Мижоз дархол Банкни хабардор қилиши шарт.

7.14. Банк Карта орқали ҳисоб-китобларни амалга ошириш бўйича қўйидаги ҳолларда Мижоз олдида жавобгарликни ўз зиммасига олмайди:

- Мижоз Карта орқали амалиётларни амалга оширишда ушбу шартномада ўрнатилган қоида ва тартибни бузганда;

- Мижоз томонидан ўтказилган тўлов амалиёт тўғрисида ҳужжат ёки ахборотлар йўқлигига;

- Мижоз томонидан ноқонуний ҳаракатлар амалга оширилганда.

### **VIII. ТОМОНЛАРНИНГ ЖАВОБГАРЛИГИ**

8.1. Мазкур шартнома бўйича қабул қилингандан мажбуриятларга риоя қилмаганлари учун томонлар амалдаги қонунчиликка мувофиқ жавобгардирлар.

8.2. Марказий банк қонун ҳужжатларида назарда тутилган барча зарурий ҳужжатлар тақдим этилганидан кейин Банк томонидан ҳисобварага очишни сабабсиз кечиктирилганлик ёки очишдан бош тортганлик, шунингдек мазкур турдаги ҳисобварага очиш учун ортиқча ҳужжатларни талаб қилганлиги учун Банк Мижозга банк устав капитали энг кам миқдорининг 0,02 фоизи миқдорида жарима тўлади.

8.3. Банк Мижознинг ҳисобварагида етарли маблағ бўлганида иш ҳақи ва қонун ҳужжатларида назарда тутилган бошқа эҳтиёжлар учун ўз вақтида нақд пул бермаганлиги учун банк устав капитали энг кам миқдорининг 0,005 фоизи миқдорида жарима тўлади.

8.4. Мижозлар ҳисобварагига пулларни ҳисобга киритиш ва ҳисобдан чиқариш тартибини бузганлик учун, электрон тўловларни амалга оширишнинг ва хато амалга оширилган электрон тўловларни қайтаришнинг ўрнатилган муддатларини бузишни истисно этган ҳолда, Банк ҳар бир ҳолат учун банк устав капитали энг кам миқдорининг 0,01 фоизи миқдорида жарима тўлади.

Электрон тўловларни амалга оширишнинг қонун хужжатларида белгиланган муддатлари Банк томонидан бузилган тақдирда, Мижозга кечикирилган ҳар бир кун учун кечикирилган электрон тўлов суммасининг 0,1 фоизи миқдорида, лекин кечикирилган электрон тўлов суммасининг 10 фоизидан кўп бўлмаган миқдорда пеня тўлади.

Банкнинг айби билан электрон тўлов нотўғри амалга оширилган тақдирда, Банк маблағни хатолик аниқланган кундан кейинги иш кунидан кечикирмасдан олувчининг ҳисобварафига ўтказиши шарт. Акс ҳолда, Мижоз банкдан маблағларни қайтариши, шунингдек кечикирилган ҳар бир кун учун нотўғри амалга оширилган электрон тўлов суммасининг 0,1 фоизи миқдорида, лекин нотўғри амалга оширилган электрон тўлов сумманинг 10 фоизидан кўп бўлмаган миқдорда пеня тўлашни қонун хужжатларида белгиланган тартибда талаб қилишга ҳақли.

8.5. Банкка ҳақиқий бўлмаган хужжатлар ёки маълумотлар тақдим қилганлиги, шунингдек мазкур шартноманинг бошқа шартларини бажармаганлиги учун (Банк томонидан Мижознинг айби хужжатлар асосида тасдиқланган ҳолда) Мижоз Банкка базавий ҳисоблаш миқдорининг ўн баравари миқдорида жарима тўлади.

8.6. Мижоз Банкка ҳисботларнинг ўз вақтида ва ишончли тақдим қилиниши учун жавобгар.

8.7. Мижоз операцияларнинг қонунийлиги ва пул маблағларининг қонунга мувофиқ қатъий белгиланган мақсадда ишлатилиши учун жавобгар. Мижоз операциялари юзасидан банкка нисбатан кўлланилган жарималар (пенялар) мижоз томонидан банкка коплаб берилади.

8.8. Банк Мижознинг шартномавий мажбуриятларини бажармагани ёки тегишли равишда бажармагани учун кредиторларга тўлаши лозим бўлган пеняни ҳисоблашга ва ундиришга жавобгар эмас.

8.9. Тўлов топшириқномаларининг расмийлаштирилиши ва улардаги маълумотларнинг тўғрилиги учун мижоз жавобгар ҳисобланади.

8.10. Интернет-банк орқали юборилган электрон талабномаларни тўғри акцепланганилигига ёки рад этилганилигига мижоз жавобгар ҳисобланади.

8.11. Банк қўйидаги ҳолларда жарима тўлашдан озод қилинади:

а) банклараро электрон тизими ишдан чиққанда (бошқа турдаги электрон тўловлар тизимига ўтиш, янги дастурларни синаш ва жорий этиш, Банк фаолиятига тааллуқли бўлмаган бошқа вазиятларда);

б) электроэнергия бўлмаган ҳолларда ҳамда Банк фаолиятига тааллуқли бўлмаган бошқа вазиятларда;

в) Мижоз томонидан амалдаги қонунчилик асосида белгиланган талабларга мос келмайдиган тўлов хужжатлари тақдим қилинганда;

г) қонунчиликда белгиланган тартибда Банк ёки Мижоз ҳисобварақлари бўйича операциялар тўхтатиб қўйилганда.

8.12. Банк қўйидагилар учун жавобгарликка эга бўлмайди:

- Форс-мажор ҳолатларда, шу жумладан, банклараро электрон тўловлар тизимида юз бериши мумкин бўлган мажбурий тўхтаб қолишиларда ҳам.

- Мижоз томонидан тақдим этилган, амалдаги қонунчилик орқали ўрнатилган талабларга жавоб бермайдиган тўлов хужжатлари учун;

- Мижознинг электрон рақами имзоси билан тасдиқланган тўловлар учун;

- Банк ёки мижознинг ҳисоб ракамидаги операцияларнинг қонунчиликда белгиланган тартибда тўхтатиб қўйилганлиги учун;

- Мижознинг ўрнатилган техник талабларга риоя этмаганлиги учун;

- Жўнатувчининг электрон хужжатларида йўл қўйилган хатолар ва ноаниқликлар учун;

- Мобил телефон ёки планшет орқали мобил иловадан фойдаланган ҳолда “Мобил-банк” тизими орқали жўнатилган электрон хужжатлар учун.

8.13. Банкка нисбатан ушбу шартномада назарда тутилган жарима жазо чораларини қўллаш суд қарорига асосан амалга оширилади.

## **IX. ФОРС-МАЖОР ҲОЛАТЛАР**

9.1. Шартнома тузилганидан сўнг юзага келиши мумкин бўлган сув тошқини, ёнғин, зилзила ва табиий офатлар, сиёсий ларзалар, эмбарго, ҳарбий ҳаракатлар каби сабаблар туфайли ушбу шартнома бўйича ҳар қандай мажбуриятлар тўлиқ ёки қисман бажарилмаган ҳолларда томонлар жавобгарлиқдан тўлиқ ёки қисман озод этилади.

9.2. Юзага келган Форс-мажор ҳолатлари ҳақида ҳамда ушбу ҳолатлар якунланганлиги ҳақида тараф ушбу ҳолатлар юзага келган ёки бартараф этилган вақтдан бошлаб, уч банк куни ичидан бу ҳақда иккинчи тарафни ёзма равишда хабардор қилиши лозим.

9.3. Форс-мажор ҳолатлари ўттиз кун мобайнида бартараф этилмаган тақдирда тарафлар ушбу шартномани муддатидан олдин бекор қилишга ҳақли бўладилар.

## **X. ШАРТНОМАНИНГ АМАЛ ҚИЛИШ МУДДАТИ, УНИ ЎЗГАРТИРИШ ВА БЕКОР ҚИЛИШ ТАРТИБИ**

10.1. Мазкур шартнома томонлар ўртасида имзоланган кундан эътиборан тузилган ҳисобланади ва амал қилиш муддати чекланмайди.

10.2. Мазкур шартномага киритиладиган барча ўзгартириш ва қўшимчалар банкнинг веб-сайти ва банк филиал стендлари орқали мижозларга маълум қилинади.

10.3. Мазкур шартнома Мижоз талабига кўра у хоҳлаган пайтда, агар унинг банк олдида қондирилмаган мажбуриятлари мавжуд бўлмаса, бу ҳақда Банкни ўн кун олдин ёзма равишда хабардор қилиш шарти билан бекор қилинади.

10.4. Шартнома бекор қилинган санадан бошлаб етти кун давомида Банк Мижознинг ҳисобварағини ёпди ва Мижознинг ёзма аризасига мувофиқ маблағ қолдигини бошқа ҳисобвараққа ўтказади. Шартнома бекор қилинган санадан эътиборан етти кун давомида Мижоз маблағларини бошқа ҳисобвараққа ўтказиш тўғрисида ёзма кўрсатма бермаса, Банк бир томонлама тартибда Мижознинг ҳисоб-китоб ҳужжатларини ва чекларини ижро учун қабул қилишни тўхтатиб қўяди.

10.5. Ушбу шартнома Банкнинг талабига кўра суд орқали қуидаги ҳолларда бекор қилиниши мумкин:

а) Мижознинг ҳисобварағида сақланаётган пул маблағлари суммаси банк қоидаларида назарда тутилган энг кам миқдордан оз бўлса, агар бундай сумма банк бу ҳақида огоҳлантирган кундан бошлаб бир ойда тикланмаса;

б) ушбу ҳисобварақ бўйича бир йил давомида операциялар амалга оширилмаган бўлса.

10.6. Ушбу шартноманинг бекор қилиниши Мижоз ҳисобварағини ёпиш учун асос ҳисобланади.

## **XI. ШАРТНОМАНИНГ БОШҚА ШАРТЛАРИ**

11.1. Мазкур шартномани ижро этиш масалалари бўйича Банк ва Мижоз ўртасида келишмовчиликлар юзага келган ҳолларда томонлар уларни ўзаро музокаралар ёрдамида ҳал қилиш учун барча чораларни кўрадилар. Мазкур шартнома юзасидан келиб чиқкан низони ҳал қилиш учун томонлар ўз эътирозларини (талабларини) иккинчи томонга ёзма тарзда юборишлари шарт.

11.2. Музокаралар олиб бориш орқали тарафлар бир тўхтамга кела олмаганда, баҳслар ва келишмовчиликлар иқтисодий суда амалдаги қонунчиликка мувофиқ кўриб чиқилади ва ҳал этилади.

11.3. Мижознинг бошқа шахслар билан ҳисоб-китобларига оид ўзаро низолари улар томонидан Банкнинг иштирокисиз кўриб чиқилади.

11.4. Мазкур шартнома билан тартибга солинмаган барча масалалар амалдаги қонунчилик асосида ҳал этилади.

11.5. Мижознинг ҳисобварағи бўйича операцияларни ўтказиш тартиби томонлар учун мажбурий ҳисобланувчи Марказий банк норматив ҳужжатлари билан белгиланади.

11.6. Мазкур шартнома Банк томонидан оферта қилинган. Банк ҳисобварағи бўйича муносабатларни белгиловчи ҳар қандай Банк томонидан оферта қилинмаган битим ҳақиқий эмас.

11.7. Ушбу шартнома қоидалари томонлар ўртасидаги банк ҳисобварағи қоидаларини тартибга солувчи бошқа ҳар қандай битим қоидаларидан устун туради. Банк ва Мижоз ўртасида ушбу шартнома қоидаларидан жиддий фарқ қилувчи ҳар қандай битим ҳақиқий эмас ҳисобланади.

11.8. Ушбу шартнома бўйича Банк Мижозни бевосита хабардор қилишни ўз зиммасига олган ҳар қандай хат-хабарларни (талабномалар, огоҳлантириш хатлари, информацион маълумотлар ва ҳоказо) Банк Мижоз томонидан банк ҳисобварағи очиш тўғрисидаги аризага мувофиқ Банкка тақдим қилган хабарномада кўрсатилган алоқа воситаларидан бирига (почта, телефон, электрон почта ва ҳоказо) ўз ихтиёрига кўра қоғоз, смс ёки электрон хат кўринишида юборишга ҳақли.

11.9. Мижоз томонидан тўлов қайдномаси адашиб жўнатилганлиги аниқланганида, Мижоз зудлик билан бу ҳақда ёзма равишда Банкни хабардор қиласди.